

The logo consists of a red square with the words "NAŠA STRANKA" in white, bold, uppercase letters. "NAŠA" is on the top line and "STRANKA" is on the bottom line.

Politička organizacija građana „Naša stranka“
Općinski odbor Velika Kladuša
Adresa: Sulejmana Topića bb, Velika Kladuša
Telefon: 060 311 66 74
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić
načelnik, Fikret Abdić

PREDMET: VIJEĆNIČKO PITANJE

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećničko pitanje Općinskom načelniku, odnosno njegovim ovlaštenicima i tražim pisani odgovor: **Kada će Općinski načelnik suspendirati državne službenike i namještenike protiv kojih je pokrenut krivični postupak?**

O B R A Z L O Ž E N J E:

Kantonalni sud u Bihaću je svojim Rješenjem, broj: 01 0 K 015885 21 Kps od 16.3.2021. godine potvrdio sve tačke optužnice koju je Kantonalno tužilaštvo podiglo protiv Općinskog načelnika Fikreta Abdića, te protiv tri državna službenika i jednog namještenika Općine Velika Kladuša.

Zakonom o državnoj službi USK je u članu 62. utvrđena obaveza općinskog načelnika da suspendira državne službenike i namještenike protiv kojih se pokrene krivični postupak ili postupak zbog teške povrede službene dužnosti koja sadrži obilježja bića krivičnog djela počinjena u obavljanju službene dužnosti, djela s obilježjima korupcije, ili se može izreći kazna zatvora od najmanje pet godina.

S obzirom na to da je u ovom slučaju pokrenut krivični postupak protiv određenih službenika i namještenika i da se isti terete za zloupotrebu položaja ili ovlaštenja počinjenu u obavljanju državne službe, proizlazi obvezna suspenzija istih.

Ovo pitanje suspenzije ne znači samo formalno zadovoljavanje zakonskih odredaba. Ono je esencijalno za normalno i zakonito funkcioniranje općinskih službi, te za vraćanje i održavanje povjerenja naših građana u ovu instituciju čiji je kredibilitet grubo narušen.

Stoga se nadamo da će osobe koje mijenjaju Općinskog načelnika, pa samim tim preuzimaju i njegove obaveze i odgovornosti, postupiti po navedenim zakonskim odredbama.

Ime i prezime: Amir Purić
Klub vijećnika Naše stranke

Velika Kladuša, 31.03.2021.